

آبونه شرائطی

ممالك عثمانیه ده ساله کی (۶۵) ، آلف
آلف (۲۵) غروشدور .
ممالك اجنبیه ده ساله کی (۱۷) ، آلف
آلف (۹) فرانقندر .

اداره خانه

باب عالی جاده سنده دائره مخصوصه

افطارات

آبونه بدلی پشندر .

§

مسلكه موافق آثار مع المنونیه قبول
اولنور . درج ابدله یازیلر اعاده
اولونماز .

الشریفة

س ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی هفته لقی بمجوعه اسلامیة در .

صاحب و مدیر مسئول

اشرف ادیب

باش محرر

محمد عاكف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۱۸

۲۹ محرم ۱۳۳۳

پنجشنبه

۴ کانون اول ۱۳۳۰

جلد ۱۳

حدیث شریف

حدیث شریف

لا یجتمعان فی النار مسلم قتل کافرا ثم سدد وقارب ولا یجتمعان فی جوف مؤمن غبار فی سبیل الله وفتح جهنم ولا یجتمعان فی قلب عبد الايمان والحسد .

مآل شریفی

ایکی کیمسه جهنمده بولوشمازلر : بر کافری (الله یولنده) اقل ابدن مسلمان (ایله اوکافر) . شوشط ایله که او مسلمان صوکره دن طریق سدادی طوتوب افراط و تفريطدن قاجینمش اولسون . ایکی شیده بر مؤمنک جوفنده اجتماع ایدمهز : الله یولنده (جهاده کیدیلیرکن) فویان غبار وجهنمک آتش یالیمی . ایکی شی بر قولک قلبنده برلکده بولونماز : ایمان ایله حسد .

حدیث شریفک راویسی ابوهریره رضی الله عنهدر . مخرجلری احمد بن ابی حنبل ، نسائی ، حاکمدر .
نسائیک بووادیده روایت ایتدیکی دیگر بر قاج حدیث شریفده (ایمان ایله حسد) . بدل (شح ایله ایمان) دینلمشدر . « شح » بخلک زیاده لکنه دنیلیر .

حدیث شریف

جاهدوا المشرکین باموالکم وانفسکم والسنتکم .

مآل شریفی

مشرکله قارشی ماللر کزله ، جانلر کزله ، دیللر کزله مجاهده ایدیکنز .

بوحدیث شریف مسند امام احمد بن حنبل ، سنن ابوداود ،

افطارات

رساله مردن آلتدینی کومستلک شرطیه
بتون یازیلر هرهانی برغز تملرندن
اقتباس اولونه یایر .

§

مکتوبلرک ، امضالری واضح و اونا قرق
اولسی و آبونه سره نوموسنی محتوی
بولوسنی لازمدر .

§

ممالك احضیه ایپون آبونه اولانلرک
آدرس لریک فرانسجه ده یازلسی رجا
اولنور .

§

پاره کوردلرکی زمان نه ده اثر اولدیغناک
واضحاً بیلدیرلرکی رجا اولنور .

سنن نسائی ، مستدرک حاکم و ابن حبان حدیثلرنددر . راویسی
انس بن مالک رضی الله عنهدر .

حدیث شریف

حرمت عین علی النار سهرت فی سبیل الله .

مآل شریفی

الله یولنده او یقوسز قالان کوز جهنم آتشنه حرامدر .
حدیث شریفک راویسی ابو ریحان رضی الله عنه ، مخرجی نسائی در .

حدیث شریف

حرمت النار علی عین بکت من خشية الله وحرمت النار علی عین سهرت فی سبیل الله وحرمت النار علی عین غضت من محارم الله او عین فقت فی سبیل الله .

مآل شریفی

خشية اللهدن طولای آغلایان کوز آتسه حرام ایدلمشدر . الله یولنده او یقوسز قالان کوز آتسه حرام ایدلمشدر . اللهک حرام ایتدیکی شیلره باققدن صاقینان ویا الله یولنده چیقان کوز آتسه حرام ایدلمشدر .

حدیث شریفینه ابو ریحان رضی الله عنه طریقله حاکم مستدرکی ایله معجم کبیر طبرانیده بولفظ ایله مذکوردر .

حدیث شریف

مامن غازیة تغزو فی سبیل الله فیصیبون الغنیمة الاتعجلوا ثانی اجرهم من الآخرة ویبقی لهم الثلث فان لم یصیبوا غنیمة ثم اهرم اجرهم .

مآل شریفی

هیچ بر فرقه غزاة یوقدرکه الله یولنده غزایه چیقوب غنیمته نائل اولسونلرده آخرتدهکی اجر و ثوابلرک نالانده پشین اولارقی

مستحق اولمش اولماسون ، بونلر اكر هيچ برغنيتمه نائل اولمازلرسه
اجر و ثوابلري تام اولارق و بربلر .
حديث شريفك راويي عبد الله بن عمرو بن العاص رضی اللہ
عنه . مخرجلري احمد بن حنبل ، مسلم ، ابو داود ، نسائي
وابن ماجه .

حديث شريف

مثل المجاهد في سبيل الله والله اعلم بمن يجاهد في سبيله كمثل القائم
القائم الخاشع الراكع الساجد

مآل شريف

الله يولنده جهاد ايدن كيمسه - خوش كندى يولنده جهاد
ايدنك كيم ارلدبغنى الله بيليريا - صائم ، قائم ، خاشع ، راكع ،
ساجد اولان كيمسه به بكنزر .
بوحديث شريفى بخارى ، مسلم . ترمذى ، نسائي ابوهريره رضی اللہ
عنه دن روايت ايدورلر . بولفظ نسائيك لفظى اولوب ديكر رواياتده :
(كمثل الصائم القائم الدائم الذى لا يفتر من صيام ولا صدقة حتى يرجع
وتوكل الله تعالى للمجاهد في سبيله ان توفاه ان يدخله الجنة او يرجمه
سالمًا مع اجر وغنيمة) زياده سوده واردركه معنای شريفى شودر :

(جهاددن دوتجيه قدر صيام و صدقه دن برآن فارغ اولمايان صائم قائم
دائمه بكنزر . برده الله تعالى حضرتلري كندى يولنده جهاد ايدن
كيمسه بي ياروحنى قبض ايدرسه جنته ادخال و ياروحنى قبض ايمه ديكي
تقديرده آنى مستحق اجر و غنيمتك تمامنى احسان ايدرك يوردينه
سالمًا اعاده ايتكى تكفل ايتشدرد .)

حديث شريف

من قاتل في سبيل الله فواق [١] ناقة حرم الله على وجهه النار

مآل شريف

هر الله يولنده دوهنك ايكي صاعيم آرالننى قدر حرب ايدرسه
الله تعالى آنك يوزينى جهنمه حرام ايدر .
بوحديث شريف امام احمد بن حنبلك مسندنده عمرو بن عوفه دن
مروى حديثلردندر .

[١] فواق ايكي صاعيمك آرالننى اولان وقته دينر . مثلاً ناقه بي بر
مقدار صاعقدن صوكره ترك ايدرلر . ياوروسى بر مقدارجه اموب آدن صوكره
ينه صافار . ايشته بوايكي صاعيمك آرالننى اولان وقته فواق ديرلر .
احمد نعيم

حضرت عمر افنديمك اردو قومانداننه امرنامه خلافتپناهيلرى

عدل و شجاعتى ، صيت و شهرتى دنيا لرى طولدوران حضرت عمر رضی اللہ عنه
افنديمك طرف خلافتپناهيلردن سردار كتيبة اسلامدن برذات محترمه خطاباً
شرف صادر اولان امرنامه جليلك ترجمه منيفه سى در :

« سكا و معيتكده اولان عسكره هر حاله التزام تقوا ايتمكزى امر
ايدرم . اعدا عليهنده كوريله جك تداركك افضلى ، حربده كوزده ديله جك
مكايك اقواسى ، تقراردر . ينه معيتكده كى عسكره اعدا كزدين زياده
ارتكاب معاصيدن صاقتمكزى امر ايدرم ، چونكه عسكر ايجون
معاصى اعدادن ده قورقودور .

بويله اولمدينى صورتده مدار غلبه اوله جق قوتدن محروم اولورز .
عددجه انلره معادل اولمديغمز كى تداركات ولوايات جهتيله ده بمائل
دكلز . ارتكاب معاصيده اعدا ايله مساوى اوله جق اولور ايسهك
قوتجه انلرك بزه فائق اولملرى لازمكلير . شو حالده برفضلمزله انلره غلبه
ايدمى ايسهك قوتمزله هيچ ايدمىز . محقق بيلمليسكزكه هر زويه
كيتسه كز طرف الهيدن موكل حفظه كرام سزكله برابرده ايشليديككز
ايشلري بيليرلر . انلردن وعالم السر و الحفيات اولان جناب اللهدن حيا
ايديكز . دشمنه غلبه ايتكى ايتديككز كى نفسكزه غالب كلهنده
ايتسبكز . بزم و سزك ايجون جناب حقن بو عنايتى استدا ايدرم .
قطع منازل حالده عسكره رفق ايله معامله ايدرك انلرى اتعاب

ايدمك صورتده يوروتمه . استراحتلرينه مدار اوله جق قوناقلره
اينديرمكده تقيمه ايتمه ، كه سفر قوتلرينه خلل و يرمامش اولدينى حالده
دشمن قارشوسنه واصل اولسونلر . ممكن اولدقجه هر جمعه كوفى
وكيجه سى عسكرى فراغ حالده طوتكه ديكه نوب تجديد حيات ايدرك
الارنده بولان اسلحهنى تعمير و اصلاح ايتسونلر . عسكرى ارباب صلح
و ذمت قريبلرينه صوقيوب آچيقده بولندور . بوقريبلره سنك اعتمادكه
مظهر اولان اصحابكدن بشقه سنى كوندرمه . نزدكده نصيحتده ، صداقته
امينت ايدمكك آدمربولسون . زيرا شخص كذوب بعضاً طوغر و
سويلسه بيله سنك ايجون نافع اوله ماز . دشمن طوپراغنه ياقلاشنجه
آره كزده قاله جق مسافه ده طليمه لرى چو غالت ، هر طرفه آوجيلرى
ياي ، قره غوللرى ترتيب ايت ، كيجه لرى متيقظ بولمغه چاليش
والله المستعان ... »

تاريخ طالده ، حق اوروياده عدالت و متانتله شهرت شمار اولان خليفه مشاراليه
حضرتلرينك شو امر طايلىرى دائره سنده حركتله صلاة خمس مفروضه بي ادايه
همت و ام الحيات اولان مسكراتدن حذر و مجانبت ايدن بر مسلمان اردوسنك
(كم من فئة قليلة غلبت فئة كثيرة باذن الله) نص جليل حكمنجه منصور و مظفر
اوله جنى بي اشتباهدر .

شاكر القادري